

印光法師鑒定

戒殺弭劫

王震書



印

# 戒殺弭劫編卷一

日照李 淳筠垞加墨

廣豐徐 謙鶴翁吟評

廣豐劉鴻都經軒重鐫

■牛

## ■經傳子史錄略

王坐於堂上。有牽牛而過堂下者。王見之。曰。牛何之。對曰。將以釁鐘。王曰。舍之。吾不忍其觳觫。若無罪而就死地。孟子

諸侯無故不殺牛。禮王制

介葛盧聞牛鳴。曰。是生三犧。皆用之矣。其音云。問之而信。左傳僖公二十九年

文王在鄯。召太子發曰。吾語汝。童牛不服。童馬不馳。是謂大仁。訓太子

盧愷從周武帝在雲陽宮。勅諸屯簡老牛。欲以享士。愷進諫曰。昔田子方贖老馬。君子以爲美談。向奉明勅。欲以老牛享士。有虧仁政。帝善其言而止。於是轉

禮部大夫。周書

明洪武七年。禮部尙書牛諒。上所考定進膳禮。奏言古禮。凡大祀。齋之日。宰牘牛爲膳。以助精神。太祖曰。太牢非常用。致齋三日而供三牘。所費太侈。夫儉可制欲。澹可頤性。若無節制。惟事奢侈。徒增傷物之心。何益事神之道。諒曰。周禮古人所定。非過侈也。太祖曰。周官之法。不行於後世多矣。惟自奉者。乃欲法古其可哉。明紀

神訓錄略

九皇斗姥戒殺延生真經

斗姥曰。挽劫戒殺。莫先有功。有功尤貴功大。則凡物之有大功於人者。自當盡戒。然同是物。而物有大有小。有靈有蠢。同是有大功於人。而功有常有暫。有難有易。故大牲不一。大牲之有功於人者。亦不一。而於中細爲權之。則牛爲最。其次莫如犬。牛何以稱最。五穀乃生人養命之本。爲耕爲耨。用力甚苦。自春徂秋。歷時甚長。農人所以列商賈之上。乃一牛之力。足以准上農者五人。朝廷重農。

則五倍於農人之勞者。安得不重。不甯惟是。牽車致遠。驢馬之事。顧驢馬但能任輕。不能任重。一遇重滯難勝之貨。驢馬皆竭蹶不前。而牛乃獨任其事。且時值旱乾。溉田者藉以車水。善於力作。羅麵者驅以推磨。驢馬雖苦。要不如牛之苦。驢馬雖勞。總不如牛之勞。牛之於人。其有功爲何如。至於性極柔順。從無蹄嚙之患。老猶供役。並無偷惰之時。勇復能忠。曾禦虎以救主。靈還有覺。每懼殺而淚垂。功既爲百獸之冠。智亦非凡獸可比。牛之可憫又何如。夫有功不賞。已爲負心。今且易賞爲殺。壯用其力。老食其肉。忍何可言。節錄

### 玄天上帝訓

夫牛者。上天玄武之精。下土太牢之氣。非郊祀不敢用。非天神不敢欲。其形上列天星。其力下興地利。有功於世。無害於民。殺之者。國有常法。食之者。幽有禍愆。覺世眞經說證

### 太上戒食牛文

嗟爾下民。莫食牛肉。傷哉惟牛。苦不勝錄。匪牛以耕。人何有穀。匪牛以耕。人何

有服。牽車服輦。踐泥作屋。事事用牛。豈獨耕耨。不分寒暑。風停露宿。不分陰晴。雨淋日暴。自春徂冬。四時勞碌。骨軟筋疲。蹄穿毛禿。力不能支。鞭箠催督。我倉既盈。稻粱麥菽。衣裳在笥。重裯疊褥。牛任其苦。人享其福。犬猶有養。馬亦食粟。傷哉惟牛。生芻一束。生也何恩。殺之何酷。所以古人。祭天用犢。日舉太牢。王者所獨。下逮諸侯。不敢縱欲。何今之人。迴不由舊。賓朋嘉會。游戲徵逐。快我朵頤。佐我觴豆。偶乏此殺。意殊蹙蹙。不忌其病。不嫌其瘦。不哀其老。不惜其幼。士夫類然。何怪庸碌。於是屠者。遍乎市城。遍乎鄉曲。於是盜者。劫人草場。穿人籬竇。狡者射利。贏錢販鬻。頑者挾仇。攀賊出首。相習成風。恬不爲辱。遡厥根由。責有攸屬。憫爾蚩蚩。自罹桎梏。豈乏山穀。亦有野蔌。雞豚之類。家常收蓄。何必大烹。乃果口腹。戒食此肉。名登天籙。可以存心。可以寡慾。可以節用。可以善俗。人亦有言。牛將就戮。兩膝長跪。涕泣求救。此種情狀。傷心慘目。齊王曾云。不忍穀觶。煌煌明訓。具載簡牘。律例森嚴。諄諄是囑。私宰耕牛。罪不容宥。更有格言。牛牢犬獄。天道孔彰。冥報甚速。人生嗜好。變態百出。惟茲惻隱。人心各足。共發慈悲。

轉相戒勗。念之所存。神之所屬。以蓋前愆。以綏厚祿。嗟爾下民。莫食牛肉。

盧白軒戒牛錄

### 文帝戒牛訓

牛者。上天玄武之宿降世者也。憐汝人閒。不能開疆闢土。代爲之開闢。憐汝人閒。不能任重致遠。代爲之致遠。汝等世人。自當生則養之。死則埋之。方問心無憾。而乃食彼之肉也。而乃剝彼之皮也。而乃絞彼之筋也。而乃鑽彼之骨也。而乃糞彼之毛也。爾獨不念其是人閒耕田之物乎。爾獨不念其是人閒磨麵之物乎。爾獨不念其是人閒牽車之物乎。爾獨不念無彼。遂致農工商賈。皆不能得便者乎。爾獨不念彼一生辛苦。未曾食人閒米穀乎。乃竟昧其良心。若此。豈明知彼有恩。而故以讎報恩耶。抑謂上帝亦享彼之肉。爾遂心雄膽潑。敢以上帝自居耶。嗟嗟。牢字從牛。獄字從犬。我今奉上帝命。將爾等食牛犬之人。或報在自己。或報在兒孫。務置諸牢獄之中。以昭報應。蓋犬與四隣守屋。亦有功於世也。故波及言之。爾諸生其戒諸。

增廣世編

### 文帝丹桂籍

勿宰耕牛

節錄

關帝覺世真經

宰殺牛犬

節錄

關帝戒士文

姜學士以食牛暴死。徐尚書以戒殺馳名。三世不食耕牛。楊應文高科預定。一方能化屠宰。李遂夫神榜先知。他如借本助屠。一月三火。因夢卽戒。二子同登。

節錄

漢陳倉侯馬戒食牛文

古今無不治之田。不皆人功所致。東南盡可耕之畝。罔非牛力所爲。惟無罪而多勞。故勸人以勿殺。無何肆厥貪殘。竟爾公然啖嚼。舉世不少殊味。詎不藉此如餐。凡人不滅良心。安肯用茲適口。本代人而盡力。力稍倦而鞭扑隨加。罔恤裂膚之痛。久負耒以窮年。年既衰而刀鋸已及。誰申刺骨之冤。莫謂冥而罔覺。曾經拜跪以求生。莫謂蠢爾無知。每形骸鯁於就死。獲實於原。當念伊誰受苦。

取羹於鼎。試思此物何辜。昔也鼻勒肩磨。一毫不令自主。今也皮消骨化。寸鬱未許得全。下茲毒口。定當毒自心生。瘟疫喪身。其來有自。結此惡緣。決然惡歸我受。疔瘡殞命。雖悔無從。夫犧牲薦俎。是享帝天之尊。騂角告虔。用致山川之祭。倘據茲以解說。必速戾而遭誅。我若戒之不食。人亦殺之何爲。故殺者之孽雖深。而食者之罪亦甚。此日人身。當年不無獸類。而今獸類。異日可轉人身。報復相尋。冤仇莫解。設思前而思後。必肉顫而心驚。不食者遠其禍。而降之祥。不禁者滅乃躬。而殄厥後。更有欺心之輩。勸諭反以爲仇。如茲稔惡之流。果報尤極其速。牢獄拘囚。憔悴無殊鬼子。桁楊笞撻。哀號不異牛鳴。與其到此而痛心。曷若從前而守戒。好善者且不如葷。造惡者何爲嗜殺。茲旣明申誥戒。尤加默察塵寰。如更執迷。決毋寬宥。

勉行錄

### 呂祖戒食牛歌

君不見牛耕土。曳步前奔用力努。又不見日當午。血汗通身涎沫吐。世閒畜類多。無如他報主。可恨貪財農。心很如狼虎。見他筋力衰。賣與人烹煮。割下頭。剖

開肚。血塗鐘。皮鞦鼓。骨剉簪。肉作脯。當日耕田難上難。今日粉身苦中苦。冤魂泣訴閻羅王。閻羅悲憫不能語。但說宰牛夫。受罪在地府。或丟劍樹叢。或擲刀山。或灌滾銅汁。或烙紅鐵柱。永劫不翻身。翻身世變汝。又有食牛人。不由人勸阻。勸之起爭端。阻之笑迂腐。怕說牛有功。強說牛能補。一任罪通天。不知何肺腑。豈知一食牛。立刻干神怒。縱有好心腸。此條登惡簿。應有禍來侵。暗折福無數。貧夭逮兒孫。甚至滅門戶。吁嗟乎。牛代人耕。誰不睹。殺而食之。喪心伍。我今飛鸞普告人。戒此方堪對佛祖。

戒殺耕  
牛輯錄

元化子戒食牛箴

六畜之中。獨推牛功。用力最苦。耕種氣雄。秋夏疲勞。忍受雨風。既登場圃。尤瘁其躬。脫去糠粃。爲民殮饗。效死於人。食草芄芄。伊惟牛兮。田畝首庸。曷爲加害。試以刀鋒。人不知憫。市以自供。玄帝垂訓。警爾愚蒙。天律是禁。妄宰者凶。好食牛肉。必有奇窮。

虛白軒  
戒牛錄

藝文錄略

●劉禹錫嘆牛文●劉子見叟牽牛於蹊。偶問焉。曰我儻車而自給。嘗驅是牛。引千鈞。雖涉淖躋高。轂如蓬。而輟不漬。及今廢矣。顧其足雖傷。而膚尚腴。以畜豢之。則無用。以庖視之。則有贏。是往也。將要售於宰夫。劉子曰。以叟言之。則利。以余言之。則悲。余方窶。且無長物。願解裘以贖。將置諸豐草之鄉可乎。叟曰。可哉。願聞其所以悲。劉子曰。涉淖躋高。牛有功矣。無功而殺之。不仁也。有功而殺之。不義也。膚尚腴而鬻之。貪也。畜豢無用而售之。慳也。今牛有功於叟矣。叟則殺之。且叟亦嘗有功於人否乎。吾懼人之殺叟也。叟曰。然。吾將秣之。摧之。以終其天年可乎。劉子曰。可哉。吾固曰。解裘而贖之也。戒殺耕牛輯錄

●聞啓祥戒食牛緣起●人生罪孽甚多。而殺生爲最。殺生罪孽至重。而殺牛爲最。食者之罪亦與殺等。蕭東白云。我勸世人。勿食牛肉。服耕効勞。反遭殺戮。爾食何來。忍爲烹鬻。又云。皮解體分。猶張兩目。目豈徒張。看爾反覆。能保他年。不變爲犢。讀之。令人心惻骨驚。食不下咽。况殺噉報應。鑿鑿不爽。奈何貪此寸臠。自貽伊戚哉。余家已三十年不食牛肉。一日老友陳升甫云。吾輩之戒。止於

一身一家功猶有限。曷若作一緣冊。時爲捧持。隨身所到。宛轉勸化。令皆如是。豈非大快。募緣者。乞人財物。遇信心人。尙多施捨。今止求人。不殺生命。不食牛肉。曾不費彼一錢一粟。而所得福德。殆難比數。凡我同心。豈無隨順。我雖不敏。敢爲先驅。可乎。余歡喜讚嘆。不能已已。感應錄云。有勸百人不食牛肉。增壽一紀。君雖發心。憐憫眾生。不作是想。然有是業。自有是報。君之壽命無窮。不待方來。卽此是券矣。同上

●陳師灝戒宰食耕牛說●人之生以五穀。穀之成以牛耕。牛爲人而力耕。人賴牛而得食。牛之有功於人大矣。人之於人。享其功而忘其勞。必曰無良。曰負心。人皆知牛之勞與其功。然且屠之。然且食之。安乎不安。夫屠之者。貪其利耳。私宰耕牛。國有典刑。縱使王法倖逃。而鬼神怒之。災禍隨之。獲利有限。作孽無窮。諸般貿易。皆可營生。奈何以一時之見小。受殃報於必然。則屠牛者當戒。至於食者。徒嗜其味之美。不知古人耕不用牛。君且無故不殺。今之五穀。旣出牛耕。念其冤死之可傷。快我饞口而何忍。况乎人食百物甘美實多。何妨取彼而

捨此。乃以悅口而疚心。則食牛者當戒。且牛之死。未死於屠者。實先死於食者。何也。人皆不食。彼屠者之肉。向誰賣之。則殺將自止。人食牛。漸化於我之不食。卽屠者之心。或有悔焉。而殺亦可稀。惟不念夫牛之不當食。但解以殺之。非自我。此曰非我殺。可食也。彼亦曰非我殺。可食也。屠牛者。卽恃此非我殺之。眾人而食之日多。殺之遂日甚。是食者相安於非我殺之一言。卽牛之所以見殺。不啻命之殺。助之殺也。則戒屠牛。當先戒食牛。古者敝帷埋馬。敝蓋埋狗。於其自死之肉。且必掩之。牛功百倍狗馬。自壯至老。耕何其勞。死何其慘。念之憫之。毋自昧其心。而干天譴。夫非獨不忍於牛也。推之忠孝節義。亦此不負心之一念。充之而已矣。同上

●舊傳養牛說●牛爲農之本。家有一牛。可代五六人力。功大而食賤。然水草不可失時。新草未生。截稻草。和以糠豆之類。拌勻微濕。飽飼之。有青草時。放牧。先令飲水。後食草。則不脹。夏不可觸熱。當風驅蚊。此爲最要。冬須溫暖。忌霜雪。必須遮障。或遇疾疫。急燒皂莢。蒼朮於欄內。以鼻吸烟。則止牛噎。以皂莢末吹

鼻更妙。欄內宜時掃除。不可過竭其力。憐其困乏以休息之。牛價惟在壯健。至老病垂斃。或倒斃。所值至微。斷不可宰殺食肉。及鬻屠戶。仍時其飢渴。病則醫斃。則埋。然須包以稻草。待過數日。深埋之。毋令種植者鉏耨所及。并可絕人盜食。鄉農如此存心。可保畜養永不疫斃。田禾豐收。人口生旺。理有可信。凡家道興廢。在居心厚薄。一舉一動。神明鑒之。熟識農家及佃戶等。宜悉勸化。果能如是。而猶困窮過於往日。我願斷舌根。同上

●勸戒殺耕牛引●蓋聞詩稱騂牡。禮重太牢。性本馴良。尙穿其鼻。形已勞瘁。猶食其膏。辛苦半生。誰念春耕而夏耨。勤劬終日。驅來南畝與東臯。怪爾無識老農。只解私心貪赤仄。恨殺不仁屠戶。偏能攘臂奮金刀。遂使血肉淋漓。兩目繞砧邊而怒視。肌膚狼藉。一魂伏案下而哀號。罪積如山。冤深似海。只爲充腸適口。因之戴角披毛。一刀寸割。業報宛若當年。萬苦千愁。慘狀增來幾倍。縱有口而難爭。始捫心而方悔。罪何可逭。孽有攸歸。所貴仁人君子。宰官通儒。爲編氓之表率。作愚賤之楷模。甯得誤謂養身。因思染指。浪言補氣。遂肆噬膚。燔炮

備出新奇。已顯趨於十惡。晝夜惟恣饕餮。又焉畏夫三塗。因而瘟疫時行。饑荒  
洊至。大而爲刀兵之劫。慘霧愁雲。小而爲牢獄之災。呼天搶地。縱知悔不當初。  
到此焉能巧避。罷也休。百年之命。僅博我片刻之歡。冤矣哉。七尺之軀。只換得  
一鬻之味。我今普勸大眾。哀告有情。不求爾長齋念佛。不逼爾戒殺放生。只期  
稍裁無厭之心。專除大武。略省多饑之口。用戒特牲。舌上分甘。可等金錢之信  
施。脣邊積福。奚啻寶塔之輸誠。誓不再嘗。記芳名而爲質。永無重犯。書花押以  
爲盟。從此長林豐草。九十其悖。盡遊華胥之國。尤願累德積功。三千已滿。同躡  
化人之域。同上

韻語錄略

●嚴調御屠牛歎●萬族皆畏死。牛更人相似。乍聞鼓刀聲。雙跪淚如雨。哽絕  
不得言。知死猶向賈。賈怒奮撻擊。刺砧信刀斧。皮血委地鮮。生剝嬰萬苦。赤漚  
已肉身。蠕蠕動肺腑。頭角雖搶地。中情未肯俯。魄大命難絕。心恨兩睛努。筋臂  
餘跳戰。爨薪已成脯。饑口涎箸邊。冤魂泣中釜。烹犢母念兒。割母兒骨楚。離離

原上田。猶是犁下土。何況食牛報。昭昭盈萬古。奈何恣殺啖。腥吻同餓虎。羶聞穢天地。慘毒噴佛祖。營生有萬端。奈何忍屠估。充腸不過飽。豈必饕死牯。稽首嗜牛人。三思莫終怙。同上

●舊傳耕牛乞命篇●大杖打耕牛。何不勤勤走。耕牛含兩淚。一步一回首。頸穿足力疲。有苦難開口。望得田禾熟。牛病毛將禿。不念從前勞。反付屠人戮。耕牛冤莫訴。臨去還躑躅。驀爾吐人言。且拜且啼哭。吾到君家來。報君殊不薄。日日小心耕。日日受鞭扑。餐餐唯水草。未嘗嫌淡泊。吃盡千般苦。禾頭方有穀。穀既在禾頭。賣我置鼎鑊。君得吾之錢。吾受君之毒。腸斷骨猶疼。命在皮先剝。留吾過殘冬。天當錫汝福。君既有愛子。吾亦憐鞠育。必欲殺吾身。勸君饒我憤。寄語賢牧童。莫打耕牛畜。自恨我前生。何故貪牛肉。半觔還八兩。此理明如燭。官禁殺牛時。吾受屠人囑。得錢容私宰。飽得妻拏腹。不想到今朝。酬償如此速。那見慈心人。化作披毛畜。但見殺生者。臨終惡鬼逐。三代不食牛。名列登科錄。冤冤遞相啖。旋轉如車軸。我是作孽報。君莫爲其續。後牛哀後牛。苦楚轉相屬。作

此乞命篇。請君三復讀。同上

●耕牛別主詩

原本闕名或云嚴調御作下同

●老牛一步一恐怖。雙眼汪汪行復住。別翁欲

語咽不止。身在欄外。心在裏。吃翁水草死翁處。不道忽忽離此去。去則去矣。魂不死。恨則恨矣。口難訴。夜夜打水常到明。朝朝犁田直到暮。車不轉時打牛足。誰憐肩爛骨俱露。田到熟時足人食。嫌牛日短草如故。生來但知念水草。水草不足忍飢餓。毛長骨立無所用。誰家白養老牛臥。畢竟牽來賣與屠。那頭牛死非屠戶。一文兩文湊贖牛。而今世上問誰箇。主家生兒防晚年。耕牛生犢長不顧。犢子也來償宿債。譬如苦瓠生苦瓠。耕牛宿昔爲人時。不想爲牛有此禍。霜刀雪刃卽在頸。誰言牛蠢死不惡。我肉彼食固應爾。彼肉我食亦非誤。冤冤如井轉轆轤。轆轤轉時翁可悟。牛戒集鈔引

●主慰耕牛詩●地有苦荼亦有粟。如我現人汝現畜。人不自人由心直。畜不自畜由心曲。直則豎生爲最靈。曲則橫生名四足。是知心爲人畜機。甜苦如我掌反覆。我今不以牛視汝。汝實慈願所感觸。現形牛中降甘露。爲破昏衢之眼。

目。欲佛慧命續未來。鴻慈又有新生犢。人以耳聽汝以角。汝角似木原非木。角即大士耳圓通。反聞處處皆華屋。身毛莫作牛毛觀。又不但是牛血肉。毛端各現諸如來。佐汝攝化諸凡族。若損一毛損諸佛。况乃和汝身俱戮。同上

●牛苦歌

此與下三歌俱舊傳

●苦哉牛。苦哉牛。說起牛苦天也愁。自從生下甫三載。頸

邊縛軛鼻穿鉤。牛苦四時總無休。犁耜著土千斤重。更持竹梢腿上揪。聲聲喝打不住手。黃昏清早少停留。陰晴寒暑在隴畔。耕了上坵過下坵。田硬土深耕不動。肚飢口渴淚凝眸。吃些水草充飢渴。種得田禾主人收。偶然誤吃幾科稻。罵我孽畜瘟打頭。麥磨麵粉米做飯。芝麻菽粟滿田疇。親朋會聚朝朝樂。喪祭婚姻事事周。若是家中無錢用。一心只想老牛售。自來主家竭氣力。老賣屠門功報讎。綑綁四蹄揮白刃。未死魂飛何處投。眼淚汪汪說不出。破肚割腸鮮血流。塗鼓鑿鐘需牛血。點燈作燭用牛油。抽牛筋兮作弦用。拔牛角兮作弓觥。剉骨揚灰溉田裏。又爲肥禾來歲謀。牛因前生殺孽大。罰變牛身幾度秋。人若今生造殺孽。難保死後不爲牛。人到做牛知牛苦。那時懊悔難自由。吃牛之家瘟